

Ntús nt' gmai kuajadat kyid+t g+xíadat kiñkie mbiu n+ t' xil'jiajau 3o. nk+x xkriung kyia k+m'us xkriung; dilient se ska'ai tiriñjiujuñ, msajail xil'jiajau IX i XXII nñjie gmai mjau l'ui ru' piu' k+m'us; nuyi, rnu', tiriñjiujuñ i se ska'ai giriuy, msajail xil'jiajau II, msajail xil'iajau kixiau; tiñjiujuñ i tiriñjiujuñ, riñjie kiñjiup ktús kixiau, se ska'ai kyia nk+x xkriung kiñkie mbiu mjañ i mjau m+j+u kyia kiñkie mbiu; rnu' msajail xil'iajau k+ntap kriujap) dilient se ska'ai s+nta msajail xil'jiajau X i nuyi dilient b+sajail xil'jiajau XIX Y XXX kyia nñjie gmai mjau l'ui ru' piu' k+m'us kiñkie mbiu; rnu', se ska'ai giriuy msajail xil'jiajau VI, 74 Y 107 ñjie gmai kixiau' xi'uy, nuyi nñjie xi'uy i b+l+dat, kjuande kyia kixiau xkriundat, kjuande kyia ntús kixiau CONAFE ndukj limí kyia kiñkie mbiu i kjuande ndukj ma ñjiu na'au nt+eje, ndukj kuajadat likyiejadat ndukj n+ep nju'u kxiau kyiyit 2026.

Pa'atkan

Lyiyit i mjiudat g+d+dat (1¹) ndukj kuajadat tiria nkyij+ kixiau' (kikiai' kixiau') ni'ia' nkyij+ g+ju'uts+t 2025- 2026, ru' l'iajau kixiau' li' msajail xil'jiajau III kyia xil'jiajau dilient s+nta ñjie gmai kixiau' kiñkie mbiu, m+i lm+ r+e' n+ep l'ajan ru' l'+edat ndukj lajan kuajadat ntús likyiejadat ndukj n+ep nju'u kxiau kyiyit 2025-2026, (t+dat mjang: OCI-SEGE-04/2026.1.S.O) ma k+k+xkin ñia nk+x:

“LIKYIEJEDAT NDUKJ N+EP NJU'U KXIAU KYI+YIT (OCI) 2026”
pukan t+t+ejekan mjau tixiakan, b+j+ kua ma m+ ki'ikan:

Li'ijan

K+ntap.- L'i+yit ñkyjiuyit, kyiuandat kyiuandat i g+d+dat ndujui padat
Ndú nkyjiu' nku+xit ñia nk+x m+edat l'+yit i mjiudat g+d+dat ndukj kuajadat tiria ñkyij+ kixiau' kyia npu', m+eje ru' kyius kixiau:

- 1) Ntús kixiau' m+eje piu' kyidat i kyii.
- 2) Ntús kixiau' ujui ndukj mj+i ñjie SEP.
- 3) Ntús kixiau' xi'uy
- 4) Ntús kixiau' kyij+ kixiau' CONAFE
- 5) kixiau' pa m+ejedat l'+yit p+kj xikxiadat.

¹ Pa mjau na+i ñia' nk+x, s+ ma nmang kua ru' L'i+yit ñkyjiuyit, kyiuandat i g+d+dat, ndu' ma nmang kra xia'ang n'+j+p kyiyit i g+d+dat, kjuande kua rudat i ndukj ku+xit, kyiap lkjande.



K+nuyi.- B+j+i kua ma na'+ r+e' kyix pa nñjubat mjau nju' u kyuet

1. Ñia' nk+x ñia' gnu' se ska'ai nda ntsau nmau' kant+l nkyi+j+ 2026, t+dat mjang OCI-SEGE-03/2026.1.S.O ma ni' ña' ntús likyiejedat ndukj n+ep nju' u kxiau kyiyit 2026.
2. T+ ñia' nk+x mjang OCI-SEGE-04/2026.1.S.O. n+ ma ñjiu' u ru' kxiabat ndukj tju' u l'+yit ñkyjiuyit, kyiuandat kyiuandat i g+d+dat ndukj kuajadat tiria nkyi+ kixiau' ma nkyjiu' u nk+xit ñia' nk+x likyiejedat ndukj n+ep nju' u kxiau kyiyit 2026.

K+rnu'.- Msajail b+j+i kua ma na'+ r+e' kyix pa nñjubat mjau nju' u kyuet

Ni'ia n+ep n+ ma na+i b+j+i kua nuyi msajail:

K+ntap msajail. kixiau p+kj lixiadat, kixiad+t u ky+i mpu':k+nuyi p+kj ma giñjiu' ukj rkyi+.

K+nuyi msajail: p+kj liyia i kiñkie mbiu dilient gikiai mnau' k+lus at gikia nmau s+njuan

Pa ñjiu' ru' n+ep nju' u lixiau' rudat l'+yit y mjiudat ndukj kuajadat tiria nkyi+j+ kixiau' ma g+ku+xit kyia nk+x likyiejedat ndukj n+ep nju' u kxiau kyiyit 2026 ma na+ nuyi msajail:

- I. *K+ntap msajail.*- kixiad+t u ky+i mpu'. - ma nkyjiu' u nk+xit ru' l'+yit i mjiudat g+d+dat ndukj kuajadat tiria nkyi+j+ kixiau' (kikiai' kixiau') ni'ia' nkyi+j+ 2025- 2026, ru' l'jajau kixiau kyia, m+eje gikiy+iñ n+ep mjau ru' likyiejedat ndukj n+ep nju' u kxiau kyiyit 2026 (nk+x mjang OCI-SEGE-03/2026.1.S.O).

Pa giñjiu' u n+ep tju' u, ma ñjiu' up kjuande ndukj d+l+j+ng bu g+sau' ukj g+sap k+nuyi ma (ndukj kyix mj+ cad nda na'au g+juts). R+e' k+sau' d+t+eje ñia' nkyi+j+ ndú:

- a) Se ska'ai kixiau' primaria k+m'us kyit+ u kixiau particulares
- b) Nda ntsau' u ts+ ma kixiau xi'uy.
- c) Tiriñjiujuñ u ts+ ma ru' ndukj tixiau' conafe y kixiau' pa m+ejedat l'+yit p+kj xixiadat.

Ru' ku+xit l'+t y mjiudat g+d+dat ndukj g+ku+xit ma nkyjiandat ndukj mj+ kyix bay kxiau y/o liyia kixiau' SEGE, SEER kixiau' xi'uy i CONAFE, m+ nbiay cad nda na'au d+r+e' kyius ma n'u.

- II. *K+nuyi msajail.*- Ru' mjiudat g+d+dat ndú ndukj tju' u d+njubat k+ntap msajail, ndudat maadat at g+tjung, ndú ma na+i mjau (nk+x mjang OCI-SEGE-03/2026.1.S.O) ma na+ ñia' gnu' dilient gikiai nmau' k+lus at gikiai nmau' s+njuan, pa giñjiu' u ndukj d+xlj+e'e:



- Ma nkj+ul nda n+ep k+jun ru' kyix ya bajau lí kyixit l+yit ndukj g+ku+xit ñia' nk+x, m+ nma'i i n'u nda na'au dabai ru' kyius gmayit kixiau u nda notario publico ndu ma ññiu' u s+ nmjau gikyí.
- Kyiu ntús kixiau' pa m+jedat n+ t+ ke kiñkiep l+yit ndukj giljieje ndú ñkj+uyet l+yit y mjiudat, ndukj ma nbiudat t+m+n ndú ma nkj+n s+ kyiuang u ntjui, pa nl'+j+ng ñia stajan.
- Ni'ia n+ ma nkyijing nxiang y gul'+j+ng Facebook ndukj mj+ kyiu kyius kixiau'.

Ru' dilient se ska'ai nuyi ndukj g+ku+xit d+l+j+nd+t na'aip msajail, ndujui ma nbiudat t+m+n BBVA Bancomer, A.C., ndukj ma nbiudat pur nda kixiau' ndu ma nkyi pur npu' p+kj liñie i n+ep kixiau' m+j+u, ma nmang kyiu SEP.

K+griup.- k+sau' t+m+n pa njiubat ru' kixiau'

Kyiu ntús kixiau' pa m+jedat n+ t+ ma nmudat ndukj d+l+j+eje ñia t+m+n kriujaja ma n'un s+ ru' kixiau' lm+dat bal+dat l+yit kuajadat tiria nkyi+j+, p+kj t+ ñia nk+x estadística 911 k+ntap d+njasp ñia nkyi+j+ 2025-2026 i d+tjujuimp kiñkie mbiu dilient se ska'ai nuyi t+m+n, b+j+i kua ma ññki':

Npu' p+kj liyai	P+kj ma nkyi nbiudat t+m+n y/o kyius kixiau'					K+sau' t+m+n d+budat
	Mpu' nt+	Mpu' nkyi+	Kixiau' s+nuyit	Kixiau' xi'uy	Kixiau' CONAFE	
Kiñkie mbiu	11	10	2	6	3	32

B+j+ kua ma nxiang r+e' t+m+n kixiau'.

a) Primaria kixiau' mpu' nt+, mpu' nkyi+ i kixiau' s+nuyit. (kjuande l+yit ndukj kuajadat kixiau' pa m+jedat l+yit p+kj xikxiadat)

P+kj xixia' kixiau'	N+kj ntús kixiau' liyai	Ksadat ma nbiudat	Ksadat ma nbiudat pur m+jedat
K+xiau' s+nuyit ndukj d+budat ññjie gxiabat l+yit primaria	SEER	1	2
	SEGE	1	
Npu' nkyi+i	SEER	1	10
	SEGE	9	
Npu' nt+	SEER	2	11
	SEGE	9	



b) Kixiauí CONAFE.- nduí ma nmudat bu' na' u liyai CONAFE kyua kiñkie mbiu, ma nxiang kua ma nkyi piu' liyai.

Piu' liyai	T+m+n nbiudat: rnu'
M/1 Piu' kiñkiep	1
M/1 Piu' nmia'ai	1
M/2 Piu' nmia'ai	1

c) kixiauí xi'iyu, nduí ma nmudat kyua ntús kixiauí xi'iyu SEGE, b+j+i kua ma nkyi nbiudat pur ñjie:

ÑJIE	PAYIT KYIUS KIXIAU'	T+M+N NBIUDAT: 6
Xi'iyu	2401	2
Nmi'iy	2402	2
Nmi'iy	2403	2

Gikiay.- ndukj d+nju'udat

- I. Ru' l' +yit i mjiudat g+d+dat ndukj d+pajaiñ mjau biu' k+nuyi msajail, ndú ma ññiu' u kun kra kyix dirección y/o dirección p+kj maap.
- II. Kjuande nda t'+yi nk+x ntús kixiauí i biu' ntús kua' t+m+n BBVA Bancomer, A.C., gnup se ska'ai rnu' nmáu' gimpiu nkyi+j+ 2025, ñia' ntús n+ ma nmu t+m+n \$2,000 (dos mil pesos 00/100 m.n.)miau', at se ska'ai miau' kad ñkyi+j+ ñia' kixiauí secundaria kad nda ndukj d+l+j+eje'.
- III. Ru' l' +yit i mjiudat g+d+dat ndukj d+l+j+eje' t+m+n m+ r+e' ññiu riñjie:
 - m+ nmadat l+sadat nda ntús kixiauí secundaria nda kixiauí pa m+edat u biu' kra pa snuyit mj+ ññie gixiau, nj+enp nmudat gmai, ñia' kixiauí CONAFE.
 - ma nm+ biu' t+m+n, ru' rnu' riñkyi+j+ ke l+gu+ju biu' kixiauí secundaria, ru' rnu' riñkji+j+ kixiauí secundaria, m+ nk+j+ m+eje ñkyi+j+ 8.0 (tiriñjiujuñ), m+ n'aaiñ nda nk+x ke b+j+i ku+j+.
 - ru' rkyiedat u ru' na'au ljung bu' l'+i ndu m+ namadat ru' ximjiaíñch ndukj t+ biu' gimudat t+m+n BBVA Bancomer A.C. i gimjiang gimbiap bu' l'+i pa nljeje biu' t+m+n.
 - ru' rkyiedat u ru' na'au ljung bu' l'+i ndu m+ nt+ñ nuyi mbie'e s+l'ajau l'+edat i nda correo electrónico p+kj gikyij+kj, giññiu ru' g+sadat ndukj mj+ tiria nkyi+j+ kixiauí.

Tiria.- p+kj ma nkyi

D+r+e d+l+j+t ru' basajail likyiejedat ndukj n+ep nju' u kxiau kyiyit 2026, biu' t+m+n n+ma ññiu' u nbiajau, ma ndajan ji+ l' +yit i mjiudat g+d+dat, chíu i yiedat, u bu' na'au tunkj, ñia' nk+x n+ ma kiyielban nt+ gmai kyua ntús likyiejedat ndukj



n+ep nju´u kxiau kyi+yit 2026, ru´ k+ntap gikiai gnu´ gul+j+ng biu´ nk+x ndukj d+l+j+ee´.

T+i mjau gikyi r+e n+ep t+´ , ru´ t+m+n ma ñjiu´u ma nkyi kjuande ñia´ nk+x t+´ código procesal kyiuia kiñkie mbiu.

Tiñjiujuñ.- ma nal+j+ng nk+x i ru´ na´au dalj+eje

Ru´ ku+chit l´+yit i mjiudat g+d+dat ndukj dalj+eje ma nkyijing kyiuia ntús kixiau kiñkie mbiu ñia´ gnu´ se ska´ai gikiai nmau´ s+njuan nkyi+j+ 2026, kjuande bikyiuia redes sociales kyiuia ntús kixiau´ pai.

Tiriñjiujuñ.- ru´ nadat d+l+j+eje

Ru´ l´+yit i mjiudat g+d+dat ndukj d+l+j+eje kyiuia likyiejedat ndukj n+ep nju´u kxiau kyi+yit 2026 ndu ma nkyi+j+ t+´ nda nk+x ñia´ likyiejedat ndukj n+ep nju´u kxiau kyi+yit 2026, b+j+i t+´ mang.

Nda ntsau.- ndukj ma nljajau ru´ rikyi+xit l´+yit ndukj d+l+j+eje

Ru´ rki+xit ndukj d+l´+ajanbat rudat l´+yit i mjiudat g+d+dat, chíu i yiedat, u bu´ na´au tunkj, gmayit g+sadat y rudat g+sadat tiria nkyi+j+ mj+ i m+eje ndukj kjuande d+ku+ñ rikyi+x ñia´ nk+x d+uajan, ndu m+ mjau nkyi´ i kyjiung ru´ rikyi+xbit kjuande t+´ ñia´ nk+x gmai, ñjie gmai tung rikyi+x mjau, ñjie gmai xñies lí´ m+eje ru rikyi+xin kyiuia kiñkie mbiu i ñjie gmai tung rikyi+xmjau kyiuia kiñkie mbiu.

Se ska´ai.- ndukj nip kyiuia ku+x riñjie kyiuia nk+x

Ndukj riñjie nip ku+x kyiuia nk+x ndu ma ñjiu´u rudat gmayit l´+edat kuajadat kyiuia likyiejedat ndukj n+ep nju´u kxiau kyi+yit 2026.

Kiñkie mbiu, kiñkie mbiu, ñia´ gnu´ dilient giriuy nmau´ sk+jua´a nkyi+j+ 2026

Lic. Juan Carlos Torres Cedillo
Nt+´ gmai kixiau´ kiñkie mbiu

